

OPTUŽNICA protiv

1. P. R. zvan "J.", sin M. i majke M. rođ. J., rođen ... godine u S., sa prebivalištem u N. G., ul. G. P. br. ..., po zanimanju varioc, oženjen, otac dvoje djece, vojsku služio 1989. godine Peć — Kosovo, čin vodnika, do sada neosuđivan, protiv njega se ne vodi postupak za drugo krivično djelo, JMB ...,
2. B. M. zvan "G.", sin D. i majke S. rođ. S., rođen ... godine u V. Opština D., sa prebivalištem u D., P. br. ..., po zanimanju šumarski tehničar, oženjen, otac jednog djeteta, vojsku služio u S. P. i S. 1988/89, čin vodnika, do sada neosuđivan, protiv njega se ne vodi postupak za drugo krivično djelo, JMB ...,

Što su:

Kršeci pravila međunarodnog prava sadržana u članu 3. stav 1. tačka a) i c) IV Ženevske konvencije o zaštiti građanskih lica za vrijeme rata od 12.08.1949. godine i u članu 13. stav 2. u vezi sa članom 4. stav 2. tačka e) i g) Dopunskog Protokola iz Ženevske konvencije iz 1949. godine o zaštiti žrtava nemeđunarodnih oružanih sukoba (Protokol II), usvojenog u Ženevi 10.07.1977. godine, za vrijeme oružanog sukoba koji se u vremenu od prve polovine aprila 1992. godine, pa najkasnije do kraja novembra 1995. godine odvijao na teritoriji Bosne i Hercegovine, između organizovanih oružanih snaga Vojske Republike Srpske, s jedne strane i Armije Bosne i Hercegovine i Hrvatskog vijeća odbrane, s druge strane, kao pripadnici Vojske Republike Srpske i vojne policije, naoružani vatrenim oružjem i gumenom palicom, odjeveni u vojne uniforme i uniforme civilne policije, u opštini N. G., mjesto U..., primijenili mjere zastrašivanja, povrijedili tjelesni integritet i dostojanstvo fizičkim zlostavljanjem civila bošnjačke nacionalnosti iako ta lica nisu neposredno učestvovala u neprijateljstvima i u vojnim operacijama, na način da su dana 12.11.1995. godine, oko 18:30 časova, u naselju U..., Ulica..., zajedno i po prethodno postignutom dogovoru sa M. M., koji je nedostupan sudu i za njim raspisana međunarodna potjernica i određen pritvor, došli sa pmv "Zastava 128" crvene boje, pred kuću oštećenog R. A., te pokucali na ulazna vrata predstavljajući se kao "policija", a kada je oštećeni otvorio vrata, u kuću su ušli B.M. noseći gumenu palicu i M. M. sa vojnom puškom, dok je P. R. ostao ispred kuće pored vozila da čuva stražu, a nakon što su ušli u kuću, primjenjujući mjere zastrašivanja uz prijetnju oružjem naredili oštećenom R. A. i njegovoj supruzi R. F. da spremne vrijedne stvari jer se iseljavaju iz kuće, pa kada su oni spremili torbe i stvari, pretresli su ih, te oštećenog R.A. udarili više puta gumenom palicom po glavi i tijelu na koji način su povrijedili njegov tjelesni integritet, nakon čega je jedan od njih dvojice uzeo i prisvojio torbe sa odjećom i dokumentima u kojima se nalazio i novac u iznosu od oko 400,00 DM, dok je drugi uzeo ključ od ulaznih vrata i oštećenima uz prijetnju vatrenim oružjem, naredio da stoje pored ulaznih vrata tako da ih može vidjeti kroz starolo na vratima, te ih zaključao sa vanjske strane, a zatim torbe sa stvarima i novcem ostavili u vozilu "Zastava 128", da bi nakon toga, istog dana, oko 19:00 časova, sa pmv "Zastava 128" došli do porodične kuće oštećenog T. F. u Ulici ..., u naselju U..., nakon čega su pokucali na vrata predstavljajući se kao "policija", pa kada je oštećeni otvorio vrata, u kuću su ušli B. M. i M. M., dok je P. R. ostao u vozilu, te naredili oštećenom T. F. i njegovoj supruzi T. F. da predaju svoje dokumente na pregled, pa kad su pregledali dokumente, primjenjujući mjere zastrašivanja uz prijetnje oružjem tražili od njih novac i zlato, te gumenom palicom udarili par puta oštećenog T. F., na koji način su povrijedili

njegov tjelesni integritet, zbog čega im je T. F. predao 20,00 DM, a njegova supruga 127,00 DM, a potom iz kuće oštećenih uzeli i prisvojili jedan akumulator jačine 55 A, ispravljač za akumulator i produžne kablove, nakon čega su naredili T. F. da izađe sa njima i zaključa svoju suprugu u kući, te da krene sa njima i da on nosi akumulator do vozila koje se nalazilo pored željezničke pruge, a kada su ostavili stvari u vozilu, oko 19:30 časova, naredili su T. F. da krene sa njima do porodične kuće Dž. A. u ulici ... u naselju U..., pa kada su došli do te kuće, pokucali na vrata predstavljajući se kao "vojna policija", te kada je Dž. H. otvorila vrata, ugurali u kuću oštećenog T. F. za kojim su ušli B.M. sa gumenom palicom, a M. M. sa puškom, a za njima i P.R. koji je nakon kraćeg vremena izašao ispred kuće da čuva stražu, nakon čega su B. M. i M. M. izvršili premetačinu unutar kuće, u kojoj su pored oštećenog Dž. A. i njegove supruge H., bili T. M. i C. Š., prema kojima su primijenili mjere zastrašivanja uz prijetnju vatrenim oružjem na način da su ih razdvojili po sobama, pretresali ih tražeći od njih novac i zlato i pritom oštećenog Dž. A., C. Š. i T. M. udarali gumenom palicom po glavi i tijelu, naređujući im da svi legnu na krevet potrbuške, zbog čega im je oštećeni T. M. tako uplašen dao novac u iznosu od 40,00 DM, na koji način su povrijedili njihov tjelesni integritet i dostojanstvo, da bi nakon toga iz kuće oštećenog Dž. A. uzeli i prisvojili televizor marke "Samsung", dva fena za kosu i dvije torbe sa odjevnim predmetima i stvarima.

Dakle, kršeći pravila Međunarodnog prava za vrijeme oružanog sukoba kao saizvršioци zajedno primijenili mjere zastrašivanja, pljačkali imovinu stanovništva, te povrijedili dostojanstvo i tjelesni integritet civila bošnjačke nacionalnosti.

Čime bi kao saizvršioци počinili krivično djelo "ratni zločin protiv civilnog stanovništva" iz člana 142. stav 1. u vezi sa članom 22. Krivičnog zakona SFRJ.

OKRUŽNI JAVNI TUŽILAC

Napomena: „Podizanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom sudskom presudom ne utvrdi njegova krivica“